



Inatsisartunut ilaasortaq  
Debora Kleist  
Inuit Ataqatigiit

**Atuartut sulinermik misiliisut pillugit sillimmaseeriaaseq pillugu § 37  
naapertorlugu apeqqummut akissut**

19-01-2017  
Sagsnr – 2015-1991  
Dok. nr. 4294484

Asasara Debora Kleist,

Postboks 1029  
3900 Nuuk  
Tlf: +299 34 50 00  
Fax: +299 32 20 73  
Email: [iiknn@nanoq.gl](mailto:iiknn@nanoq.gl)  
[www.nanoq.gl](http://www.nanoq.gl)

Atuartut sulinermik misiliisut pillugit sillimmaseeriaaseq pillugu apeqqutinnut  
Naalakkersuisut sinnerlugit qujavunga, taannalu ataani akineqarpoq:

**1. Atuartut angajullit suliffinnik misilinnerminni ajutuussagaluarpata  
ajoquseriataassappataluunniit, sillimaseeriaaseq qanoq ittoq  
atuutinneqarpa?**

Aallaqqaasiullugu ilisimatitsissutigineqarsinnaavoq IMAK-imit apeqqut tassunga  
assingusoq Ilinniartitaanermut, Kultureqarnermut, Ilisimatusarnermut Ilageeqarnermullu  
Naalakkersuisoqarfiup 2016-imi tigunikuugaa, tamassumalu kinguneranik meeqqat  
atuartut sillimmasiinermi ataatsimut isigalugu inissisimanersut misissuisoqarluni,  
taamaalilluni taamanikkut apeqqut atuartunut sulinermik misiliisunut killeqaannangilaq.

Naalakkersuisoqarfik tassunga tapiliullugu Nunamut Namminermut  
Immikkoortortaqaqarfiup saaffiginnippoq, taannalu nalunaaruteqarpoq apeqqut  
Nunamut Namminermut Immikkoortortaqaqarfiup isumaa malillugu kommunit  
pisinnaatitsinermik taaneqartartumut ilaasoq, tamannalu malillugu meeqqat suli  
atualingitsut atuartullu kommunit ataasiakkaat sillimmaserneqassanersut kommunit  
namminneq aalajangiisinnaapput, taamaalillutillu ajutoortoqaqarnerani aningaasatigut  
annaasaqarnissamat sillimmasertissinnaallutik. Tassunga peqatigitillugu  
ilisimatitsissutigineqarpoq kommunit ilaannaat, soorlu Qaasuitsup Kommunia aamma  
Qeqqata Kommunia taamatut sillimmasertissimasut.

Aammattaaq Kommune Kujalleq paasissutissiivoq atuartut sulinermik misiliisut  
sillimmaserneqartarnissaat suliniutigineqartoq.

Paasinarmat meeqqat atuartut pillugit ataatsimut isigalugu  
sillimmasertitsisoqarsimangimmat Naalakkersuisoqarfiup misissorpaa, malittarisassat  
isumaqatigiissutilluunniit naapertorlugit meeqqanut atuartunut sulinermik misiliisunut  
immikkut sillimmasiineq atuutitsinneqarsinnaanersoq, tamannalu assersuutigalugu  
suliffeqarfiit pillugit malittarisassanut tunngatinneqarsinnaanera  
eqqarsaatigineqarsinnaasoq.

Center for Arbejdsskader-mut saaffiginninnermi paasinarpoq, Kalaallit Nunaanni  
sulinermi ajoqusernertut sillimmasertinneq pillugu inatsit atuuttoq inuit Kalaallit  
Nunaanni sulisitsisunit sulisussatut atorfinitsinneqartut silliserneqarnissaannut atuuttoq.  
Tamassuma kinguneranik atuartut suliffimmi sulinermik misiliisut sulisitsisumit  
sulisussatut atorfinitsinneqarneq ajorput, taamaamallu tamassuma kinguneranik inatsit  
malillugu sillimmaserneqarsimangitsut.

Inatsimmi § 3, imm. 1, nr. 2-mi pisinnaatitsisoqarpoq suliffeqarnermut ministeri Kalaallit Nunaanni Namminersorlutik Oqartussanut isumaqatiginninniareerluni inatsit ilaatigut ilinniagaqartunut ilinniarnerminnut sulineramik misiliinerminnut il.il. atatillugu suliffeqarfimmiittunut atuutissanersoq. Pisinnaatitsissut taanna atorineqarnikuunngilaq, taamaammallu atuartunut sulineramik misiliisunut sulinerami ajoquseriartaarsinnaanerannut sillimmasiisarneq pillugu malittarisassaqaarani. Center for Arbejdsskader ilassuteqarpoq malittarisassat taamaattut ilanngunneqarsinnaanerannut ajoquseritoqarpat atuartunut ajoquseritunut akiliisoqassappat aningaasaliissutissat pissarsiarineqarnissaat pisariaqartoq.

Center for Arbejdsskader tassunga peqatigitillugu ilisimatitsivoq Danmarkimi sulineramik misiliisut suliffeqarfimmi sulineramik sungiusarneranni ajoqusernerannut sillimmasiisarnermik naalagaaffimmit aningaasaliiffigineqartumik 1960-imiit aqqissuussisoqarnikuusoq, Aqqissuussinermi aamma ilaapput sulineramik sungiusartup inummik sulineramik sungiusartitsisumut illuutaanulluunniit ajoqusiinera.

Meeqqanut suli atualingitsunut atuartunullu atuuttumik kommunit sillimmasertinnissamik namminneq aalajangiisinnaanerata taamaallutillu piarini ajoquseritoqarnerani aningaasatigut annaasaqarsinnaaneranut sillimmasertissinnaanerisa, pineqartumi inatsisitigut malittarisassiortoqassanersoq soqutiginarsisippaa. Eqqarsaatigineqarsinnaavoq tamanna piviusunngortinneqarsinnaasoq assersuutigalugu kommuni pineqartumi ajortoortoqarsinnaaneranut ataatsimut sillimmasiinissamik pisussaaffeqarnerannik ilanngussinikkut, naak ilaatigut ilimagineqarsinnaagaluartoq kommunit namminersornerat annikillisinneqassasoq. Kisiannili Inatsisartut inatsisiliortutut pissutsit kommunit namminersornerannik annertusisitsisut annikillisisulluunniit pillugit inatsisiliornissaq qaqugukkulluunniit toqqarsinnaavaat, imaalilluguli inatsisilerinerami piunasaqaataassasoq kommunit namminersornerat atorunnaarsivinneqassanngitsaq, tassa tamanna Inatsimmi Tunngaviusumi piunasaqaataamat. Taamaammata ilimagineqarpoq taamatut inatsisiliorsinnaaneq kommuninut pisinnaatitsineranut akerliunngitsaq.

Naggasiullugu Danmarkimi atuuttup assinganik sulinerami ajutoorsinnaaneranut sillimaserneqartarnermik pilersitsiniarneq siunertarisamat naleqquttuuneranik apeqqut suliap soqutiginarsisippaa.

Tamanna pisariaqartutut nalilerneqassappat, kommunit peqatigalugit pineqartumi ataatsimut malittarisassiorsinnaaneramik apeqqutip oqaloqatigiissutigineqarnissaa Naalakkersuisut isumaliutigissavaat.

Inussiarnersumik inuulluaqqusillunga

  
Doris Jakobsen



4. januar 2017

Inatsisartut suleriaasiat § 37 naapertorlugu Naalakkersuisunut apeqquteqaat:

### **Apeqqut:**

#### **1. Atuartut angajullit suliffinnik misilinnerminni ajutuussagaluarpata ajoquseriataassappataluunniit, sillimaseeriaaseq qanoq ittoq atuutinneqarpa?**

(Inatsisartunut ilaasortaq Debora Kleist, Inuit Ataqatigiit)

### **Tunngavilersuut:**

Meeqqat atuarfiani atuartunut angajullernut ilaavoq suliffinnik misileraasarneq. Tamanna piumasaqaataavoq. Atuarfimmi aqqunartitertoqarnikkut ajutoortoqarpat, atuarfiup pisussaaffimminik innarliisimasutut akisussaaffilerneqassaaq. Paaserusuppara tamanna aamma atuunnersoq suliffeqarfinnut atuartunik suliffinnik misiliisortalinnik. Suliffimmik misiliisoqarnerup nalaani ajutoortoqassappat, sorleq akisussaaffeqarpa sillimasiissummik sanasoqareersimanissaanut? Suliffeqarfik immaqaluunniit atuarfik?

Kissaatigaara ullut suliffiusut qulit qaangiutsinnagit akineqarnissara.